



Huw Irranca-Davies AS
Cadeirydd y Pwyllgor Deddfwriaeth, Cyfiawnder a'r Cyfansoddiad
Senedd Cymru
seneddccc@senedd.cymru

27 Gorffennaf 2022

Annwyl Huw,

Hoffwn ddiolch i chi ac Aelodau'r Pwyllgor am ystyried y Memorandwm Cydsyniad Deddfwriaethol a osodwyd gerbron y Senedd mewn perthynas â Bil Diogelwch Ar-lein Llywodraeth y DU.

Rwy'n croesawu'r adroddiad a gyhoeddwyd gan y Pwyllgor ar 28 Mehefin ac rwy'n falch bod y Pwyllgor wedi cytuno â'r asesiad o'r darpariaethau yn y Bil sy'n gofyn am gydsyniad y Senedd a'i bod yn briodol i'r Bil wneud darpariaeth ar gyfer Cymru.

Nodaf yn eich adroddiad mai barn y Pwyllgor oedd y dylai'r Memorandwm fod wedi cyfeirio at y ffaith bod y pŵer i wneud rheoliadau a ddarperir i Weinidogion Cymru yng nghymal 175(5) o'r Bil drafft yn ddarostyngedig i'r weithdrefn gadarnhaol ddrafft.

Roedd y rhesymeg dros ddefnyddio'r weithdrefn gadarnhaol a ddarparwyd gan yr Adran Ddigidol, Diwylliant, y Cyfryngau a Chwaraeon a'r Swyddfa Gartref i'r Pwyllgor Pwerau Dirprwyedig a Diwygio Rheoleiddio fel a ganlyn:

- 341. *This delegated power is considered necessary to allow the legislation to be updated to address changes in the education system. These are Henry VIII powers and as such the draft affirmative procedure is most appropriate. The draft affirmative procedure will offer a high level of parliamentary scrutiny and oversight while still ensuring that Ministers or Departments can keep the legislation up to date.*
- 342. *Removing, adding or amending Schedule 1 Part 2 could increase regulatory burdens on a particular description of education or childcare. It is therefore important that Parliament and the respective devolved administrations have the opportunity to debate such changes to the scope of the regulatory framework.*

Credaf felly ei bod yn briodol bod y pŵer i wneud rheoliadau a roddir i Weinidogion Cymru o dan gymal 175(5) o'r Bil yn ddarostyngedig i'r weithdrefn gadarnhaol ddrafft.

Canolfan Cyswllt Cyntaf / First Point of Contact Centre:
0300 0604400

Bae Caerdydd • Cardiff Bay
Caerdydd • Cardiff
CF99 1SN

Gohebiaeth.Julie.James@llyw.cymru
Correspondence.Julie.James@gov.Wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Mae'r pŵer hwn yn galluogi Gweinidogion Cymru i ddiwygio'r rhestr o ddarparwyr addysg a gofal plant yng Nghymru (a geir yn Rhan 2 o Atodlen 1) a fydd wedi'u heithrio rhag cael eu rheoleiddio o dan y Bil. Mae pŵer Harri VIII yn galluogi diwygio deddfwriaeth sylfaenol gan ddefnyddio is-ddeddfwriaeth, a allai effeithio ar gymhwysio darpariaethau yn y Bil sy'n ymwneud â materion datganoledig. O ystyried natur pwerau Harri VIII, ystyrir y dylent fod yn destun digon o graffu gan y Senedd. Felly, mae'r weithdrefn gadarnhaol yn addas.

Hyderaf fod y llythyr hwn yn rhoi'r wybodaeth ychwanegol sydd ei hangen ar y Pwyllgor.

Yn gywir,



Julie James AS/MS
Y Gweinidog Newid Hinsawdd
Minister for Climate Change